

那文毅公奏議

那文毅公二任直隸總督奏議卷七十一目錄

卷七十一

推薦賢能

因時改隸

請改四路同知厯俸

酌定邊俸州縣補用章程

那文毅公二任直隸總督奏議卷七十一

男容安恭輯

推薦賢能

道光五年十二月初七日

奏爲遴員懇請陞署河工要缺通判以重河防事竊
據布政使屠之申按察使王庭華天津道鄭祖琛
會呈稱查子牙河通判章慶淇病故遺缺前經詳
請以河工改簡同知陶金殿借補茲奉部議以該
員係留省補用簡缺同知之員應不准其借補繁
缺通判行令另選合例人員題調遵卽在於現任

人員內逐加揀選查有東安縣知縣鄭琦熟悉河防從公勤慎係由河員出身以之陞署子牙河通判實堪勝任等情詳到前督臣蔣攸銛批准未及具

奏移交前來臣查東安縣知縣鄭琦山東舉人大挑一等借署通州潮邑州判調補今職因辦理千里長堤出力奏奉

諭旨以地方應陞之缺酌量陞用臣甫經到任例不出考現據司道等查明該員熟悉河防從公勤慎堪勝子牙河要缺通判惟該員任內有二姦承緝不

力降一級留任處分且係奉

旨以地方應陞之缺陞用之員今請陞河工通判與例

稍有未符第人地既屬實在相宜經前督

臣蔣攸

銑批准自應循例專摺奏懇

聖恩俯念河工要缺需員准以鄭琦陞署子牙河通判

殊於河務有裨謹會同兼管順天府府尹

臣陸以

莊府尹

臣

朱爲弼合詞謹

奏

道光五年十二月十二日奉

上諭那彥成奏遵員陞署河工要缺通判一摺著照所

請鄭琦准其陞署子牙河通判仍俟經歷三汛如果稱職再行題請實授送部引見該部知道

道光六年正月二十三日

奏河間協副將員缺設處衝途地方繁要且轄汛遼濶接壤山東一切緝捕操防整飭殊爲不易現任副將明昌曾任甘肅靜寧協副將因病回旗病痊補授今職該員係由難廕出身前在甘省辦理營務雖尙知謹飭惟才具平常實於河間衝繁營分難期勝任應請撤回俟有事簡副將缺出再行酌量請補其所遺員缺查有留標候補副將錫麟滿

洲鑲黃旗人係前長安之子由侍衛揀發來直辦事體面亦無執袴習氣歷經前督臣委署各路副將均無貽悞現在考驗馬步鎗箭以及長矛均爲嫻熟詢以營務亦頗明晰諳練合無仰懇

聖恩卽以該員補授河間協副將洵屬相宜可資整飭
臣爲要缺副將擇人起見是否有當伏乞

皇上訓示謹

奏

道光六年正月二十九日奉

上諭那彥成奏遴員請補要缺副將等語直隸河間協

副將員缺緊要現任副將明昌難期勝任著撤回以相當簡缺酌量改補所有河間協副將一缺著該督於通省副將內揀員調補所遺員缺卽以錫麟補授該部知道

道光六年二月初九日

奏爲遵

旨揀員調補副將事竊照直隸河間協副將員缺地處繁要整飭不易昨因現任副將明昌人地不宜前經

臣

奏請撤回另補所遺員缺請以督標候補副將錫麟

補授欽奉

上諭直隸河間協副將員缺緊要現任副將明昌難期
勝任著撤回以相當簡缺酌量改補所有河間協副
將一缺著於通省副將內揀員調補所遺員缺卽以
錫麟補授欽此臣遵卽在於通省副將內詳加遴選
查有提標河屯協副將台費晉蒙古正黃旗人由
烏鎗護軍校歷陞河屯協副將該員辦事老練操
防得力以之調補河間協副將實屬相宜其所遺
河屯協副將員缺卽以候補副將錫麟補授亦堪
勝任謹

奏

道光六年二月十三日奉

上諭那彥成奏揀員調補副將一摺著照所請直隸河間協副將准其以台費音調補所遺提標河屯協副將員缺卽以錫麟補授該部知道

道光六年二月初九日

奏爲知縣人地未宜及才不勝任人員分別對調改補並擬留在直年久之同知通判以資差委事竊照州縣之才具不齊地方亦繁簡不一要在治理得人始克於公有益茲查南路廳屬之大城縣係

繁難兩項調缺旗民襍處政務殷繁兼有河道堤
工經理本屬不易現任知縣潘化樞謹慎有餘整
飭不足誠恐漸涉廢弛查有高邑縣知縣吳家懋
明練有爲堪以調補其所遺高邑縣缺小事簡卽
以潘化樞調補可期稱職又南路廳屬之文安縣
係繁難兩項中缺界在東西兩淀之間民情刁悍
獄訟滋多現任知縣何熙績才近拘謹於該處不
甚相宜查有肅寧縣知縣吳斯璧歷練老成熟諳
一切堪以調補其所遺肅寧縣係無字簡缺卽以
何熙績調補亦可無悞又天津府屬之青縣爲衝

繁疲難夙稱難治之區復有運河堤工防汛催漕之責現任知縣閻錦麟才具未能開展不勝沿河要缺之任應請撤回以相當簡缺補用所遺青縣知縣容另揀員陞調又正定府屬阜平縣知縣張謹度年力就衰難勝民社該員係拔貢出身文理尙優應請以教職改用回籍候選所遺阜平縣簡缺應歸部銓直省現有應補人員並請留缺外補如蒙

俞允照例將該員等分別給咨送部引

見恭候

欽定再

臣

更有請者直隸公務繁劇一切差遣委用在

在需員且近京州縣時有旗民交涉事件尤須候補理事同知通判等官會同查辦向來候補乏人卽奏請揀發現在直省候補地方同知祇有羅秉寅一員理事同知通判亦祇華封一員均不敷委用正擬奏請揀發先後接准部咨以丁憂服闋來直候補同知傅鍾瑑前係親老告近揀發直隸今親老事畢行令仍赴奉天坐補新民屯同知原缺又平泉州知州明順因兇犯徐秀子同夥三人殺死劉王氏子女五命並工人鄭亮一案三叅限滿

首犯未經弋獲奉

旨原叅摘去頂戴不准開復照例降一級調用應赴部
候選惟查該二員俱在直年久地方一切情形極
爲熟悉平日辦事亦均妥協現值直省候補同知
通判乏人與其另請揀發生手莫若將該二員留
直差委可收駕輕就熟之效且明順尙有承緝案
犯仍可責令設法訪拏亦免赴部候選轉得置身
事外合無仰懇

聖恩俯念直隸差委需員准令坐補同知傅鍾瑑降調
理事同知管知州事明順一併留直委用俾資熟

手將來傅鍾瑑以相當同知明順卽就所降之級以理事通判酌量補用明順仍俟要犯緝獲再行奏請開復頂戴以符原案以上各員內惟請調之大城文安二缺亦屬順天府尹管轄臣等往返札商意見相同其餘改補請留各員並據藩臬兩司詳請核辦前來理合分別會同兼管順天府府尹臣陸以莊府尹臣朱爲弼合詞具奏謹

奏

道光六年二月十三日奉

上諭那彥成奏知縣分別對調改補並請留同知通判

一摺直隸大城縣知縣准其以吳家懋調補所遺高
邑縣知縣卽以潘化樞對調文安縣知縣准其以吳
斯璧調補所遺肅寧縣知縣卽以何熙績對調青縣
知縣閻錦麟才具未能開展著卽撤回以相當簡缺
補用阜平縣知縣張謹度年力就衰難勝民社著卽
勒令休致告近服闋同知傅鍾瑑著仍赴奉天坐補
原缺降調理事同知明順著照例赴部候補該督請
將該二員留直差委之處著不准行該部知道

道光六年三月十二日

奏查辦八項旗地前因頭緒紛繁勾稽不易經前督

臣蔣攸銛飭司遴派委員設局清理並經

奏調原任廣平府知府金洙原任清苑縣知縣李景岱來直隨同藩司屠之申督率局員書吏逐案趕辦得以迅速完竣該局員書吏等從事年餘均各詳慎盡心不辭勞瘁俾百餘年未清之案得以條分縷晰雖經

恩旨減租而總數轉增於從前數萬且章程已定守之不變日久總不至糾纏拖欠日昨臣於差次曾經面陳

天聽懇請

恩施茲據藩司擇其最爲出力數員詳請核奏前來臣
查已補正定府知府金洙官階較大已補獲鹿縣
知縣李景岱甫經得缺不敢仰邀甄敘外其餘俱
係佐雜微員旣屬奮勉認真似應量加鼓勵合無
仰懇

聖恩請將現任布政司庫大使郎汝琳按察司經歷郎
若曾二員以知縣卽行陞用大名府經歷董迪以
應陞之缺陞用河間府管河巡檢韓景琦以河工
縣丞陞用候補河工從九品司馬鍾汪杰儘先補
用又藩司典吏候選從九品何照卽行選用司書

黃鏡湖孫雨田以從九品歸部卽用以獎微勞仍
責令該委員書吏等將應造冊籍及官虧民欠襍
項旗租趕緊一手辦理如有始勤終怠者亦必隨
時叅處用昭懲勸謹

奏

道光六年三月十五日奉

上諭那彥成奏查辦旗地出力各員請加鼓勵等語直
隸旗租地畝頭緒紛繁勾稽匪易茲據該督查明該
局員書吏等逐案趕辦詳慎奮勉著照所請現任布
政司庫大使卽汝琳按察司經歷郎吉曾俱准以知

縣卽行陞用大名府經歷董迪以應陞之缺陞用河
間府管河巡檢韓景琦以河工縣丞陞用候補河工
從九品司馬鍾汪杰俱准其儘先補用藩司典吏候
選從九品何照准其卽行選用司書黃鏡湖孫雨田
俱准以從九品歸部卽用以示獎勵仍責令該委員
書吏等將應造冊籍及官虧民欠襍項旗租趕緊一
手辦理如有始勤終怠卽著隨時叅處用昭懲勸

道光六年三月二十四日

奏宣化鎮標左營遊擊鄧殿魁現在因病解任回籍

調理經

臣

恭疏

題報並聲明留缺外補在案茲查有甘肅大靖營遊

擊興安保前因直隸營伍需人經

臣奏奉

諭旨准與陝西涇州營都司萬祥一同飭調來直遇缺酌量補用昨因出有天津鎮城守營都司員缺當將該都司萬祥奏請補授業蒙

俞允今宣化鎮標左營遊擊一缺合無仰懇

天恩俯念該員興安保亦係責任人員准其補授斯缺俾不致需次向隅且於營務操防即可藉資整飭

謹

奏

道光六年三月二十九日奉

上諭那彥成奏請將由甘肅調至直隸之遊擊酌補實缺等語著照所請宣化鎮標左營遊擊准其以興安保補授該部知道

道光六年四月初一日

奏爲遵

旨保舉堪勝總兵事竊臣接准部咨道光六年二月二

十一日奉

上諭現在陸路副將記名以總兵用人員將次用竣著各省總督及兼管提督之巡撫於所轄副將內擇其

品藝優長曉暢營務堪膺專閫者各保奏一二員出具切實考語送部引見候朕簡用欽此欽遵行知前來伏查直隸副將共計九員臣詳加遴選查有督標中軍副將舒通阿年五十歲正藍旗滿洲由前鋒補放防禦疊次出兵

賞戴花翎歷陞保定營叅將

奏陞督標中軍副將該員人才健壯居心忠誠出師得力又查有大名鎮開州協副將楊明魁年五十歲四川成都縣人由行伍出兵歷陞叅將

賞戴花翎道光三年補授三屯協副將調補開州協副將

該員出師著績操練嚴整以上二員均堪勝陸路
總兵之任並給咨送部引

見謹

奏奉

硃批俱著送部引見

道光六年五月十五日

奏爲副將員缺緊要遴員請

旨陞調事竊臣前奉

諭旨勅保堪勝總兵人員當經悉心考選以開州協副

將楊明魁臣標中軍副將舒通阿保奏送部引

見仰蒙

皇上垂察其人堪膺專閫旋奉

恩旨以楊明魁補授河南河北鎮總兵舒通阿補授山東登州鎮總兵卽日同邀

簡擢荷蒙

信任殊施更加感懼嗣後遇有保舉益當慎選其人以期仰酬

高厚除楊明魁所遺開州協一缺另行選員

題補外所有

臣

標中軍副將爲通省營伍首領事務

繁襍例應在外揀調現當整飭之際一切尤在得

人臣於通省副將內詳加遴選查有河間協副將
台費音蒙古正黃旗人年五十三歲由烏鎗護軍
校歷陞今職該員居心篤實辦理營務體面可靠
技藝亦復熟習春間差次

召見曾邀

聖明論及其人頗爲可以應請調補督標中軍副將可
期妥協得力其所遺河間協副將本係部推之缺
而該處轄汛遼瀾接壤東省且有催漕事務一切
甚爲緊要查有提標中軍叅將廣瑞年四十九歲
正白旗滿洲由雲麾使游陞今職該員人才健壯

辦事實心操防不辭勞瘁以之陞補河間協副將
實堪勝任惟查該員於道光四年十二月間陞署
叅將後至本年二月甫經服闋實授歷俸較淺與
例稍有未符但陞署至今實已一年有餘且於河
間繁要缺分現在人地相需合無仰懇

聖恩俯准以廣瑞陞補河間協副將俾資妥爲經理謹
奏

道光六年五月二十日奉

上諭那彥成奏遴員陞調副將一摺著照所請直隸督
標中軍副將員缺准其以台費音調補所遺河間協

副將員缺准其以提標中軍叅將廣瑞陞署扣滿年限另請實授該部知道

道光六年六月初二日

奏爲請調要缺叅將以重營伍事竊照直隸提標中軍叅將廣瑞業經臣奏准陞署河間協副將所遺叅將員缺係提標中軍訓練弁兵整飭營伍事務殷繁爲各營之領袖例應在外揀員

題補隨於通省應陞應補人員內詳加揀選一時實無合宜得力之員惟查有務關路叅將長英年五十三歲鑲黃旗蒙古人由世襲雲騎尉陞今職

該員辦事奮勉潔已教兵人才亦頗精壯且在直
年久一切營伍情形均爲熟諳合無仰懇

天恩准以長英調補提標中軍叅將可期經理妥協爲
此會同提臣何占鰲合詞謹

奏

道光六年六月初七日奉

上諭那彥成奏補調要缺叅將一摺著照所請直隸提
標中軍叅將准其以長英調補該部知道

道光六年六月二十二日

奏查新放天津府知府嚴拱係由刑部司員截取補

授今職臣前任刑部尙書時知其人甚端謹例案亦頗熟悉惟才具未能開展是以臣留於省城時常接見今查該員尙能留心諸務雖天津繁劇而操持尙好之員再經閱歷亦可勝任查已調大名府知府周壽齡現在天津任內有承辦海運總局事務刻下正值接剥二運一時未能交卸卽現署大名府知府張範東辦理所屬各州縣賑借事宜亦甚妥協裕如均未便另行更易且嚴拱甫磨外任一切亦多生疎應令暫行留省詳加察看兼可藉資歷練俟周壽齡張範東等經手事務完竣後

彼時再令各赴各任至嚴拱到任後若實在不能
勝任將來再行酌量具奏辦理斷不肯少爲姑息
致滋貽悞謹

奏奉

硃批甚是

道光六年六月二十七日

奏東明縣知縣張良志於李庚實被扎身死一案甫
經報到卽馳往查勘情形並詳細驗明李庚實係
被扎身死而荷澤縣查訊兵役狡稱係屬自戕移
回查辦該縣張良志隨將解到兇刀比對傷痕不

符卽訊取荷澤縣解役張得供詞據實詳辦迨經
東省委員開棺覆驗遂以洗冤錄所載自戕情狀
約畧扭捏作爲李庚自戕憑據業已據稟詳定而
該縣張良志總以傷仗不符案多疑竇始終反覆
辨論不敢稍爲遷就臣每閱該縣稟議情形均屬
明白細緻切中窺要並無偏執已見之詞現經委
員通永道李德立會同東省道員楊翼武等和衷
研鞠究出被扎實情是此案得以平反良由該縣
張良志始終慎重辨論詳明不致誤成冤獄查該
縣平日聽斷勤明才具穩練官聲亦好洵屬有爲

有識之員可否仰懇

聖恩俯准將來遇有應陞缺出卽以該縣張良志酌量
奏請陞用以示鼓勵而昭激勸謹

奏奉

硃批必應獎勸另有旨

謹按道光六年六月三十日廷寄內奉

上諭東明縣知縣張良志原驗得實始終反覆辨論不
稍遷就張良志著賞加知州銜以示鼓勵

道光六年七月初八日

奏爲奏

聞請

旨事竊照大名府屬各州縣自六月得有透雨以後業將田禾賑務情形及酌量停撤粥廠各緣由均已先後奏蒙

聖鑒在案現在該處大局已定民情亦甚貼然但期雨澤調勻秋禾即可日臻秀實所有此後一切事宜應俟隨時察看情形分別核辦惟查大名道林培厚前於甫經辦賑之時臣因其平日辦事尚屬勤懇第才具既短不免優柔猶豫深恐籌畫未能周備卽經奏明派委通永道李德立前往幫同商辦

嗣因一切已經就緒該道李德立隨赴東省會審
要案其大名賑務卽交該道林培厚妥爲督辦昨
據稟報因該屬得雨以後貧民四散傭工議請停
撤粥廠又因得雨已遲收穫尙早糧價恐難平減
復請將截撥漕糧減價官爲平糶臣以該道親臨
督辦籌議自屬實在情形當經一面據稟具奏一
面仍酌量先後撤廠並確查糧價情形再行稟辦
去後旋據署大名府張範東具報該處自月初得
雨以來已及半月其間雖有得雨之處均不普霑
日前通永道李德立東省鞠案旋回過郡察看一

路土脈又形乾燥清豐縣境內南北一帶田禾未見長發該府現又前往查看等情隨經臣飛劄飭查稟覆適李德立亦已來省細加詢問所稱與該府相同惟各處就賑貧民實已日就減少毋庸再行賑濟等語由此觀之是該處目前大局雖可無虞但土脈既又漸形乾燥田禾並有未經長發之處則此後雨水能否應時秋成究竟如何現在尙難預定該道林培厚並未通盤計畫詳細熟籌核其初稟情形卽應資賑復經臣以資粥爲得實惠奏明飭辦該道旋又以得雨可以停撤粥廠適又

以得雨未能透遍具稟設使臣不加斟酌遽請辦賑則至少亦須數十萬帑金豈不虛費卽粥廠亦豈可以忽設忽停事關民瘼非同兒戲看來該道限於才識辦事毫無把握以後秋收豐歉未定應辦之事正多恐該道經理難望得宜相應請

旨撤回將來俟有相當之缺再行酌量奏補所遺大名道一缺查通永道李德立明幹細心前派會審東明縣李庚一案虛心和衷卒能平反定讞此次派赴大名幫辦賑務又復妥協周詳該處情形亦已深悉應請卽以該道調補可期得力現在該處既

稱缺雨所有應辦之事臣已面與李德立及兩司
熟商卽飭該道前往接印辦理惟該道籍隸山東
相距大名在五百里以內但究已隔省應請毋庸
迴避又大名縣知縣何應駒辦事才具尙好惟不
洽輿情該處現當災歉之後正須加意撫字亦請
撤回另補又清豐縣知縣曾豫謙稟辦賑務諸多
不協屢經隨稟批飭查該員原尙能事近因患病
精神不能振作未便姑容戀棧併請撤回候補再
行查看所遺大名清豐二缺容臣另行選員分別
調補至於地方賑務關係民瘼其間經理不善者

固應嚴事撤衆而籌辦賢能者亦當據實陳奏查
開州知州壁昌自該處辦賑以來規畫井然節據
議稟章程俱屬周詳切當臣明察暗訪知其又能
實力奉行並無虛飾該州前任河南知縣曾隨滑
縣軍營彼時臣卽因其奮勉出力亦獎賞耐勞
曾經保奏

賞戴藍翎臣此次來直見其所辦地方事務益覺歷練老
成且操守亦好能以潔已養民尤屬有爲有守該
員本係和珅之子世受

國恩不忘忠愛察其居心才具將來似爲旗員中繼

起可以成就之才現在辦理賑務原屬分所應爲
但能存在盡心亦甚不可多得應否量予獎勵出
自

聖主恩施謹

奏

道光六年七月十一日奉

上諭那彥成奏辦理大名地方災賑各員分別撤叅保
奏一摺直隸大名道林培厚著來京交吏部帶領引
見大名道員缺著李德立調補大名縣知縣何應駒
才具尙可不治輿情清豐縣知縣曾豫謙稟辦賑務

不協近復患病俱著撤任交該督再行查看開州知州壁昌平日官聲素好現在籌辦賑務俱屬周詳著賞加知府銜以示鼓勵該部知道

道光六年七月十六日

奏爲揀員請

旨陞調要缺道府以資治理事竊照大名道林培厚因籌辦地方賑務不能得宜經臣奏請撤任以通永道李德立調補現已仰蒙

允准其所遺通永道一缺管轄永平府遵化州通州三屬兼管北運薊運等河政務殷繁係衝繁疲難四

項要缺例應在外揀員

題補臣與藩臬兩司在於通省知府內詳加遴酌查得保定府知府李象鵬湖南進士由翰林院檢討於道光二年

京察一等引

見記名補授直隸宣化府知府五年調補保定府知府該員人品端方居心樸直才具雖非肆應而肯於苦心學習事事皆親自經理日見有爲堪勝通承道之任惟歷俸未滿五年與陞補之例稍有未符第人地相需例得奏請合無仰懇

聖恩俯念通永道員缺繁要准以李象鵬陞署仍俟扣
滿年限另請實授其所遺保定府員缺爲省會首
邵事務更爲繁劇且時有發審案件本係兼四最
要缺分經理尤須得人查有正定府知府全洙由
東進士由散館知縣選授直隸深澤縣知縣歷陞
廣平府知府道光二年丁母憂服滿起復奏留直
隸差遣補用五年

奏補正定府知府該員才具優長勤敏老練從前曾
任清苑首邑民情愛戴且在直年久熟悉一切情
形合無仰懇

萬二千二百八十二卷之三
聖恩准以金洙調補保定府知府實於省會要缺有裨
其所遺正定府亦係在外題缺容另再與兩司慎
重熟商揀員請補謹

奏

道光六年七月十九日

上諭那彥成奏揀員陞調要缺道府一摺著照所請直
隸通永道員缺准其以李象鵬陞署所遺保定府知
府員缺准其以金洙調補李象鵬照例送部引見仍
俟扣滿年限另請實授該部知道

道光六年八月初五日

奏爲知府員缺緊要揀選明幹之員恭摺奏請

簡放以裨治理事竊照正定府知府金洙經

臣

奏請調

補保定府知府業已仰蒙

俞允所遺正定府一缺路當孔道管轄十四州縣兼有
管理滹沱河之責政務紛紜向定爲衝繁二項管
河要缺例應在外題補

臣

與藩臬兩司在於現任

同知直隸州內詳加遴選查有遵化州直隸州知
州白明義奉天承德縣進士奉

旨以知縣卽用籤掣直隸題補望都縣知縣海陞今職於

道光五年四月十三日到任拏獲偷竊

孝陵大紅門內樹株首犯劉幅旺經前督臣蔣攸銑遵

旨送部引

見奉

旨白明義著回任以知府用欽此該員才具開展勤幹

有爲又查有大名府屬開州知州壁昌鑲黃旗蒙

古人山監生遵例捐筆貼式嘉慶九年補缺十二

年

京察一等引

見奉

旨記名以同知通判用旋經選授河南陽武縣知縣十八

年滑縣教匪滋事委辦糧臺出力經臣保奏奉

旨賞戴藍翎調任孟縣知縣因歸德府知府奎昌係該員胞兄遵例迴避改掣直隸旋丁母憂回旗服滿仍赴直隸候補道光四年題補棗強縣知縣未及到任陞補今職五年五月初四日到任本年辦理賑務周詳切當察其居心才具將來似爲旗員中繼起可以成就之才經臣奏請應否量予獎勵奉旨著賞加知府銜以示鼓勵欽此查白明義與壁昌均係出色有爲之員堪勝正定府管河要缺之任合無仰懇

聖恩俯賜於白明義壁昌二員之中

簡放一員以資治理據藩司屠之申臬司戴宗沅會詳
前來謹

奏

道光六年八月初九日奉

上諭那彥成奏題缺知府緊要揀員請旨一摺直隸正
定府知府員缺著白明義補授該部知道

道光六年八月初五日

奏爲候補同知緝捕勤奮懇

恩俯准酌量補缺以示鼓勵事竊照廣平府同知馬澁

因病解任同籍業經臣另疏具

題並聲明所遺廣平府同知選缺直省現有應補人員留缺外補在案查定例奉

旨命往補用及督撫題明留於該省候補者無論應題應調應歸部選之缺俱准酌量補用等因茲據藩司屠之申臬司戴宗沅會詳查有候補同知羅秉寅勤奮明敏緝捕出力堪以補授會詳請

奏前來臣查羅秉寅湖北監生遵例報捐同知嘉慶

十九年投効順天府尹衙門捐資緝捕先後訪獲林清義子王三官等十二犯奏奉

諭旨准其捐足分發銀兩留於順天差遣委用委署東路同知任內拏獲三河香河等縣賊犯張三秀子等多名共破盜案九起竊案十五起經前督臣蔣攸銛因該員勤於緝捕補缺無期奏奉

諭旨遇有相當同知缺出酌量補用以示鼓勵該員緝捕出力辦理諸務亦俱勤慎有爲自奏留順天以來當差已及十有餘年現經臣派委訪緝盜窩頗能不辭勞瘁躡獲竊盜匪犯多名洵屬始終奮勉勤於捕務之員以之補授廣平府同知可收弭盜安民之益惟該員係應補陞調所遺之缺請補告

病選缺與例稍有未符第廣平府屬地方與豫東
二省毗連行旅往來緝捕最關緊要合無仰懇
天恩俯准以羅秉寅補授廣平府同知實於地方有裨
且使各員知緝盜安民果能得力即可提錄亦可
示人鼓勵謹

奏

道光六年八月初八日奉

上諭那彥成奏請補要缺同知一摺著照所請直隸廣
平府同知准其以羅秉寅補授該部知道

道光六年八月二十五日

奏永定河本年伏秋汛內河水疊次陡長溜勢湧猛
在在堪虞各員當大汛之時或奮不顧身冒險搶
護或不分疆界協力救援奔馳風雨泥淖之中辛
苦固懈兼有派赴防汛之員自備資斧往來防守
歷數月之久始終勉力均屬踴躍急公似應擇其
最爲出力者加之獎勵以昭激勸查北上汛武清
縣縣丞張書紳北中汛武清縣縣丞唐淳於道光
四年秋汛安瀾摺內經前督臣蔣攸銛附片奏明
自行存記以應陞之缺陞用今又兩載始終奮勉
修防出力相應奏懇

聖恩將張書紳唐淳二員以沿河知縣陞用又坐補北
岸五工永清縣縣丞楊泰階應請免其坐補歸於
河工縣丞班內補用河工候補米入流李國喬以
沿河典史補用懷來縣典史李敦壽勤奮耐勞請
改撥河工差委照例補用謹

奏

道光六年九月初一日奉

上諭那彥成奏永定河本年秋汛疊次長水在工搶險
出力各員始終奮勉請加獎勵等語著照所請直隸
北上汛武清縣縣丞張書紳北中汛武清縣縣丞唐

淳俱著以沿河知縣陞用坐補北五工永清縣縣丞
楊泰階著免其坐補歸於河工縣丞班內補用河工
候補未入流李國喬著以沿河典史補用懷來縣典
史李敦壽著改撥河工差委照例補用該部知道

道光六年九月十七日

奏爲直隸州要缺需員循例揀選奏懇

聖恩俯准陞補以資治理事竊照遵化直隸州知州白

明義經臣奏准陞補正定府知府所遺遵化直隸

州一缺管轄豐潤玉田二縣地當孔道東連山海
等關口供應一切差務事宜辦理守護

陵寢文武官役及喜峯口等處駐防官俸米石旗民襍處
事務紛繁係衝繁難三項相兼要缺例應在外揀
選題補前經臣以大名府河捕同知陳建奏請調
補欽奉

上諭陳建並未曾任實缺州縣與例不符所奏不准行
欽此遵復與藩臬兩司於現任州縣詳加遴選查
有清苑縣知縣王錦雲安徽進士奉

旨以知縣用籤掣直隸題署赤城縣知縣調補南宮縣
知縣道光三年

大計卓異引

見奉

旨准其卓異加一級回任候陞欽此調補今職該員循
謹醇厚才幹有爲以之陞補遵化州知州實堪勝
任據兩司具詳前來謹

奏

道光六年九月二十日奉

上諭那彥成奏揀員陞補要缺知州一摺著照所請直
隸遵化直隸州知州准其以王錦雯陞補該部知道

道光六年十月二十四日

奏爲核實海運出力人員遵

旨據實保奏恭懇

聖恩分別獎勵事竊

臣接准

欽差署漕運督

臣穆彰阿咨會欽奉

諭旨本年海運全數抵津迅速歲事其知府以下各員及營委將弁著那彥成照冊開等第分別奏請獎勵欽此因查穆彰阿咨到原單僅止分別一二三等並未註有各員勞績亦未將各員應如何邀

恩之處分晰註明當經分飭清河天津二道秉公具細開具清單

臣再加核實恭摺

奏明在案

臣

查本年海運事屬創始而直隸辦理接

剝事宜尤爲喫重自沙船進口至上園水程一百八十餘里卽須預集縴夫會派員弁催提挽運迨至天津隨同穆彰阿驗米盤收隨到隨兌分裝剝船排幫列號由津至通三百二十餘里疏通河道分幫押運沿途催趲稽查並設立總局散放剝價分給票單記檔註冊以及採辦苫蓋蓆片添設牀筒頭緒繁多均無舊章可循全在隨時相機籌辦當沙船雲集之時官民剝船二千數百號水手縴夫人等不下數萬人彈壓稽查在在均須派員經理是以先後所派文武百餘員分司其事時經七

月之久各員弁均不辭勞瘁奮勉無悞茲據鹽運使銜清河道陶樑按察使銜天津道鄭祖琛天津鎮總兵克什德查明在事出力文武分別勞績開單稟請具

奏前來臣查穆彰阿單列一等二十四人內天津府知府周壽齡職分較大河間府同知濮城甫經陞任均無庸再請

恩施其保定府經歷方廷瑚海河主簿沈蔡鹽山縣舊縣巡檢褚洪滄州風化店巡檢任元資俸已深應在外記名遇缺陞補所有尤爲出力列爲一等之

務關同知周衡等十八員將備四員或在局悉心
籌畫經理得宜或在海口調遣船夫稽查得力或
押運剝船往來迅速或疏濬河道設法濟運或掌
理冊檔填發單票或收放剝價僱覓民船歷經半
載有餘晝夜辛勤始終不懈著有微勞合無仰懇
聖恩俯准分別陞補議敘其餘二三等人員另行咨部
分別議敘以示鼓勵謹繕各員弁勞績清單敬呈

御覽謹

奏

道光六年十月二十四日

奏臣衙門書吏錢成張第元前於上年辦理截卸滯漕文案妥協業經奏蒙

聖恩賞給從九品職銜嗣因接辦海運事宜當復責令錢成張第元偕同書吏俞浩一手經理妥爲趕辦現在全漕業已迅速完竣該吏等從事年餘均各詳慎盡心晝夜鈔錄不辭勞瘁查書吏五年役滿例應考職歸部銓選今錢成等辦理海運文件尙屬奮勉勤慎似應量加鼓勵合無仰懇

聖恩俯准將從九品職銜錢成張第元以從九品歸部不論雙單月儘先選用書吏俞浩以從九品歸部

不論雙單月卽行選用以獎微勞出自

聖主天恩謹

奏

道光六年十月二十九日奉

上諭那彥成奏核實保奏海運出力人員一摺前因海運全數抵津諭令該督照穆彰阿冊開等第分別奏請獎勵茲據開單具奏除保定府經歷方廷瑚等四員由該督記名陞補外天津府知府周壽齡河間府同知濮城俱著交部議敘務關廳同知周衡著以知府陞用先換頂戴著天津縣知縣蔣兆璠著天津府

同知涿州知州包葵署邢臺縣知縣沈蓮生俱著以
同知直隸州陞用蔣兆璠並著先換頂戴雄縣縣丞
楊藝生天津縣縣丞張欽祖武清縣縣丞葉藻靜海
縣獨流巡檢畢林俱著以河工應陞之缺陞用候補
縣丞李宣範河工候補縣丞李維垣蔣珊河工候補
從九品王步瀛俱著遇缺卽補候補縣丞張應恒張
大治候補從九品吳松姜德昭范兆汶俱著交部從
優議敘坐補東安縣主簿李朗煊著免其坐補本班
儘先補用天津鎮水師營叅將李心德現因本缺應
裁著卽撤回江南儘先補用天津鎮中軍遊擊趙龍

田署天津鎮城守營都司左營守備哈振鰲俱著以
應陞之缺陞用署右營守備候補守備雲騎尉襲世
堃著儘先補用又另片奏從九品職銜書吏錢成張
第元又書吏俞浩俱著以從九品歸部儘先選用該
部知道

道光六年十一月十三日

奏爲沿河知州要缺需員循例揀選奏懇

聖恩俯准陞署以裨治理事竊照灤州知州黃克昌先

經臣請陞定州直隸州業經具

題在案臣與藩臬兩司於現任選缺知州內逐加遴

選查有獻縣知縣陳晉江蘇吳縣進士引

見以知縣卽用籤掣江西題補餘干縣旋因丁憂回籍服
闋赴選揀發直隸隨同首府審辦教逆名案出力
奉

旨賞加一級補授隆平縣知縣調補饒陽縣知縣因承審
灤州石佛口王姓教案保奏奉

旨賞加六品銜陞署開州知州因承審滄州民人胡四命
案錯誤部議降二級調用嗣經捐復原官引

見奉

旨仍以知州用委挑永定河引河出力保奏奉

旨陳晉著遇有缺出儘先補用道光元年題補景州知州
因署灤州任內委審盧龍縣屯居旗人姜士垣控
案不實奉

旨革職仍留直差遣委用派委緝拏安肅縣失鞘一案
緝獲正犯胡有榮保奏奉

旨仍留直省以知縣補用題補今職該員盡心民事才
能治劇理繁灤州地方向多習教且兼窩藏賊盜
非歷練老成實心任事之員難期勝任惟歷俸只
欠一箇月未滿三年與請陞之例稍有未符第該
員曾署灤州熟悉該處情形人地實在相宜例得

專摺奏請合無仰懇

天恩俯准以陳晉陞署灤州知州於地方河務均有裨

益謹

奏

道光六年十一月十八日奉

上諭那彥成奏請陞署沿河要缺知州一摺著照所請
直隸灤州知州准其以陳晉陞署照例送部引見仍
俟扣滿年限再請實授該部知道

謹按道光六年十二月初十日

奏報天津府知府嚴拱因病出缺奏請

簡放奉

上諭直隸天津府知府員缺著壁昌補授

道光六年十二月二十日

奏爲沿河知州要缺需員循例揀選奏懇

聖恩俯准陞補以資治理事竊照通州知州俞諒因染患怔忡病症驟難痊愈請解任調理業經委驗屬實除照例恭疏

題報所遺通州知州一缺

臣

與藩臬兩司在於現任

選缺知州內逐加遴選候補知州李杰本年九月內甫經到省人地未宜委用知州秦光展現有續

虧未完應行停補一時實無合例堪調之員自應
遵例以應陞人員題請陞補茲據藩司屠之申臬
司戴宗沅會呈稱查有固安縣知縣龍載恬精明
幹練爲守兼優堪以陞補會詳請

奏前來

臣

查龍載恬四川宜賓縣進士奉

旨以知縣卽用欽此籤掣直隸題補衡水縣知縣調補
今職該員安詳老練辦事勤慎歷俸已滿三年以
之陞補通州知州實堪勝沿河要缺之任與例亦
屬相符謹會同兼管順天府府尹臣陸以莊順天
府府尹臣何凌漢合詞具

奏謹

奏

道光六年十二月二十四日奉

上諭那彥成奏請陞補沿河要缺知州一摺著照所請
順天通州知州准其以龍載恬陞補照例送部引見
該部知道

道光七年正月二十四日

奏爲知州要缺需員循例揀選奏懇

天恩俯准陞署以資治理事竊查開州知州壁昌奉

旨補授天津府知府所遺開州知州一缺地接東豫二

省盜賊潛踪稽查訪緝既不易易兼之缺大案多
係繁疲難三項要缺例應在外調補非精明幹練
之員弗克勝任臣於選缺知州內詳加遴選非才
難治劇卽與例不符而候選知州李杰到省未久
於要缺不甚相宜委用知州秦光展現有績虧未
完應行停補一時實無合例堪以調補之員自應
遵例在於應陞人員內題請陞用茲查有東明縣
知縣張良志湖北松滋縣人由監生遵續增武陟
例捐知縣卽用道光元年選授完縣知縣調補正
定縣知縣因公撤任以中簡知縣改補引

見奉

旨發往原省仍以中簡知縣酌量補用欽此題補今職
於五年十月初一日到任因縣民李庚被扎一案
經山東省奏派道府大員會同究出兇器該員原
驗並無錯誤專摺保奏奉

旨張良志原驗得實始終反覆辨論不稍遷就著賞加
知州銜以示鼓勵欽此該員遇事能有定見勤幹有
爲民情愛戴自改補東明以來辦理地方事務及
承審命盜各案均能妥協裕如且係奉

旨賞加知州銜鼓勵之員任內一切因公處分自應欽

遵嘉慶二十五年

諭旨題調要缺毋庸計算以之陞署開州知州實堪勝任
該員以大名府屬知縣請陞開州民情土俗均爲
熟悉人地實在相宜據藩司屠之申臬司戴宗沅
會詳請

奏前來合無仰懇

天恩俯准以張長志陞署開州知州實於地方大有裨
益所遺東明縣知縣選缺直省現有應補人員應
請留缺外補謹

奏

道光七年正月二十七日奉

上諭那彥成奏揀員陞署要缺知州一招著照所請並
隸開州知州准其以張良志陞署照例送部引見仍
俟扣滿年限再請實授該部知道

道光七年二月初四日

奏爲沿河知州要缺需員循例揀選奏懇

聖恩俯准陞署以資治理事竊照景州知州徐彬於道

光六年

大計案內以年老叅劾在案所遺景州一缺係衝繁
二項要缺例應在外調補臣與蒲泉兩司在於通

省選缺知州內逐加遴選查直省應補知州祇有
李杰一員上年九月甫經到省於要缺不甚相宜
而委用知州秦光展現在續虧未完應行停補候
補知州阿清河務未嫻一時實無合例堪調之員
自應遵例在於應陞人員內

奏請陞用茲查有良鄉縣知縣黃瀚安徽監生捐從
九品加捐縣丞投効南河錢掣直隸嘉慶二十年
隨辦北七工大工告竣保奏奉

旨改撥河工補用二十四年隨辦北上汛大工告竣保奏
奉

旨俟補缺後以應陞之缺陞用咨補北二工良鄉縣縣丞
陞署今職該員才具老成勤幹有爲良鄉衝要瘠
苦倍於他處去歲辦理兵差事事妥速最爲出力
惟未實授與請陞之例稍有未符但歷俸將屆三
年人地實在相需以之陞署景州知州實堪勝沿
河要缺之任茲據藩司屠之申臬司戴宗沅會詳
請

奏前來合無仰懇

皇上天恩俯念員缺緊要准以黃瀚陞署景州知州實
與漕運地方均有裨益爲此會同兼管順天府府

尹臣陸以莊順天府府尹臣何凌漢合詞具奏謹
奏

道光七年二月初九日奉

上諭那彥成奏陞署沿河要缺知州一摺著照所請直
隸景州知州准其以黃瀚陞署照例送部引見仍俟
扣滿年限再請實授該部知道

道光七年二月初四日

奏爲沿河知縣要缺循例揀選奏懇

聖恩俯准陞署以資治理事竊照東光縣知縣葉秀歧

因審辦竊盜案件遲延經臣

奏請以簡缺知縣改補在案所遺東光縣一缺爲繁

疲難三項要缺例應在外調補臣與藩臬兩司在

於通省現任知縣內逐加遴選均係人地未宜查

有武清縣北頭工中汛縣丞唐淳江蘇人由捐職

從九品加捐縣丞投効南河鉞掣直隸試用派委

永定河協防大汛奏奉

諭旨改撥河工委用咨署北岸五工永清縣縣丞丁憂回

籍服闋赴直派永定河差委咨署北中汛武清縣

縣丞因在永定河工秋汛疊次搶險出力奏奉

諭旨以沿河知縣陞用該員才幹有爲辦事老成河務

熟習且係奉

旨以沿河知縣陞用人員以之陞署東光縣知縣實堪
勝沿河要缺之任與例亦屬相符茲據兩司會詳
請

奏前來合無仰懇

皇上天恩俯念員缺緊要准以唐淳陞署東光縣知縣
實於地方河務均有裨益謹

奏

道光七年二月初九日奉

上諭那彥成奏揀員陞署沿河要缺知縣一摺著照所

請直隸東光縣知縣准其以唐淳陞署照例送部引見該部知道

道光七年二月十九日

奏爲沿河知縣要缺需員循例揀選奏懇

聖恩陞署以資治理事竊照固安縣知縣龍載恬陞補

通州知州業經奉

旨允准在案所遺固安縣知縣一缺爲繁難沿河要缺

例應在外調補臣與藩臬兩司在於選缺知縣並

候補人員內詳加遴選查有武清縣北岸頭工縣

丞張書紳江蘇人由議敘從九品選授平山縣洪

子店巡檢調補武清縣河西務巡檢俸滿保存陞
署南岸七工東安縣主簿道光二年陞署今職四
年實授因永定河防汎出力保奏奉

旨以沿河知縣陞用該員修防機宜旣爲熟悉人才亦
屬勤幹以之陞署固安縣知縣實堪勝沿河要缺
之任與例相符據藩司屠之申臬司戴宗沅會詳
請

奏前來合無仰懇

天恩俯准以張書紳陞署固安縣知縣實於地方河務
均有裨益理合會同兼管順天府府尹臣陸以莊

府尹臣何凌漢恭摺謹

奏

道光七年二月十九日奉

上諭那彥成奏揀員陞署沿河要缺知縣一摺著照所
請直隸固安縣知縣准其以張書紳陞署照例送部
引見該部知道

道光七年三月十七日

奏爲沿河知縣要缺需員循例揀選陞補以資治理
事竊照良鄉縣知縣黃瀚業經奏奉

俞允陞署景州知州所遺良鄉縣知縣一缺臣與藩臬

兩司在於選缺知縣內逐加遴選查有布政司庫大使郎汝琳山西代州人由監生捐布政司庫大使分發直隸試用各將今職道光三年四月二十七日准咨實授因查辦旗地出力於道光六年三月十五日奏奉

諭旨以知縣卽行陞用欽此該員年力富強端正勤奮在直多年諳悉地方情形平日留心河務且係奉旨以知縣陞用人員以之陞補良鄉縣知縣實堪勝沿河要缺之任與例亦屬相符據藩司屠之申臬司戴宗沅會詳請

奏前來合無仰懇

聖恩俯念員缺緊要准以郎汝琳陞補順天府良鄉縣知縣實於地方河務均有裨益謹會同兼管順天府府尹臣陸以莊府尹臣何凌漢合詞具奏謹奏

道光七年三月二十日奉

上諭那彥成奏揀員陞補沿河要缺知縣一摺著照所請直隸良鄉縣知縣准其以郎汝琳陞補照例送部引見該部知道

道光七年閏五月初四日

奏爲沿河知縣要缺人地相宜恭摺具

奏事竊照獻縣知縣陳晉陞署灤州知州遺缺前因

調補乏員經臣以按察司經歷郎若曾

題補嗣奉部議以直省現有候補卽用人員例得儘

先補用行令另行揀選臣查獻縣知縣一缺地當

衝要驛務殷繁兼管河道堤工係衝繁疲難四項

沿河要缺例應在外調補非精明強幹之員弗克

勝任臣於選缺知縣內逐加遴選非未諳河務卽

才難治劇而候補卽用人員雖有朱性堂等均係

初登仕版難任要區查定例並無題缺省分及題

缺僅止二三缺者遇有應調缺出現任人員內無
可揀調准其以應陞人員題陞等語臣查按察司
經歷郎若曾年五十歲山西人由捐納府經歷籤
掣湖南親老改掣河南因防汛安瀾咨補儀封廳
經歷加捐按察司經歷並捐離任歸部銓選道光
二年選授今職因查辦旗租出力奏奉

諭旨以知縣卽行陞用欽此該員差委諳練才具穩實
現署獻縣知縣已屆半年辦理一切地方事件頗
能整頓且係奉

旨以知縣卽行陞用之員兼由河員出身以之陞補獻

縣沿河知縣要缺實屬相宜與例亦符現據藩司
屠之申臬司戴宗沅詳請專摺具

奏前來合無仰懇

皇上天恩俯念員缺緊要仍以卽若曾陞補獻縣知縣
於地方河務均有裨益謹

奏

道光七年閏五月初九日奉

上諭那彥成奏揀員陞補沿河要缺知縣一摺著照所
請直隸獻縣知縣准其以卽若曾陞補照例送部引
見該部知道

道光七年六月初五日

奏爲據呈請留得力之副將恭摺具

奏事竊准部咨閏五月初二日奉

上諭湖南乾州協副將員缺著長英補授欽此欽遵行
知去後茲據該副將呈稱有老母年八十四歲迎
養在署時復多病憚於遠涉烏烏私情不得已懇
請情愿留直以副將候補當差藉可稍遂私情等
語呈請具奏前來臣查長英由世襲雲騎尉歷陞
雲麾使揀發直隸題補遊擊游陞參將經臣奏調
提標中營參將該員在直十五年漢仗強壯曾經

出師帶兵奮勇平日營伍管束嚴整教練認真於
差務亦甚熟悉臣因相距畧遠曾將該員平日居
官若何密詢前署提督海凌阿及現署提督馬騰
龍均稱其奮勉體面正已教兵洵爲直隸武弁中
得力之員今蒙

恩陞授湖南乾州協副將本應飭其卽赴新任茲該員
呈稱母老愿留直當差臣查提標中營一缺事務
較繁爲各營之領袖除另行照例題調外今長英
以親老情愿候補當差如蒙

皇上天恩俯准將長英留於直隸當差卽先令署理中

營叅將侯有相當副將缺出再行奏補於營伍大
有裨益謹

奏

道光七年六月初八日奉

上諭那彥成奏請留副將一摺直隸提標中營叅將陞
授湖南乾州協副將長英據該督奏稱該員在前年
久熟悉營伍情形現因親母年八十四歲呈請仍留
直隸當差著照所請長英准其留於直隸署理中營
叅將俟有相當副將缺出奏請補用該部知道

道光七年七月二十七日

奏爲揀員請

旨陞補要缺道府以資治理事竊照通永道慶綱才難

治剿經臣奏請送部引

見茲接准部咨奉

旨慶綱著以六部郎中用欽此其所遺通永道一缺管

轄永平府遵化州通州三屬兼管北運薊運等河

及催漕剝運並京東差務等事政務殷繁係衝繁

疲難四項要缺例應在外揀員題補臣與藩臬兩

司於通省知府內詳加遴選查有保定府知府周

壽齡山東舉人由教習知縣分發直隸補缺後將

陞直隸州知州歷任天津大名知府奏調今職該員氣局正大才具開展而能細心自調任首府以來辦案明決於審辦竊盜各要案均能詳細研鞠究出盜夥窩家各大案爲端正出色之員實堪勝通永道之任惟歷俸未滿五年與陞補之例稍有未符第人地相需例得奏請合無仰懇

聖恩俯念通永道員缺繁要准以周壽齡陞補仍俟扣滿年限另請實授其所遺保定府員缺爲閭省首郡素稱繁劇且時有發審案件亦係兼四最要之缺經理尤須得人查有正定府知府白明義奉天

進士由卽用知縣分發直隸補缺後調補清苑縣
知縣陞補遵化州知州因擊獲偷竊

孝陵大紅門內樹株首犯劉幅旺奉

旨以知府陞用補授今職該員勤敏老練樸實端方會
任清苑首邑民情愛戴且在直年久熟悉一切情
形合無仰懇

聖恩准以白明義調補保定府知府實於省會要缺有
裨謹

奏

道光七年七月三十日奉

上諭那彥成奏揀員請補要缺道府一摺著照所請直隸通永道員缺准其以周壽齡陞補照例送部引見仍俟扣滿年限再請實授其所遺保定府知府員缺著准以白明義調補該部知道

道光七年八月初十日

奏爲委署副將篆務並揀員請補事竊臣接據天津鎮總兵克什德呈報通州協副將七十一因病出缺除循例題報外所遺員缺查有鎮標參將向尊化堪以署理經臣檄委前往接署查通州協副將一缺駐劄通州水陸交衝地方緊要凡整飭營伍

及巡緝彈壓各事務均極繁重本年差務經臨凡迎護派委各要事尤非精明老練之員不能勝任茲查有候補副將長英年五十四歲由雲麾使揀發直隸洊陞遊擊叅將本年閏五月奉

旨陞授湖南乾州協副將旋因該員以母老多病呈請留直當差經臣據情具奏奉

上諭長英准其留於直隸俟有相當缺出奏請補用欽此該員在直十五年漢仗強壯帶兵奮勇平日營伍管束嚴整教練認真於差務亦甚熟悉以之補授通州協副將實堪勝任該員既係奉

旨以副將奏補之員應遵

旨具奏可否出自

聖恩謹

奏

道光七年八月十五日奉

上諭那彥成奏揀員請補副將一摺著照所請直隸通

州協副將准其以長英補授該部知道

容安謹按道光七年八月十四日

奏報永定河廳汛文武保守三汛安瀾不無微勞謹

擇尤爲出力數員恭懇

恩施以示鼓勵

道光七年八月十八日奉

上諭那彥成奏永定河秋汛安瀾酌保尤爲出力人員
一摺著照所請宛平縣縣丞汪兆鵬固安縣縣丞張
耀箕俱准以應陞之缺酌量陞用天津縣典史沈炳
章已於新例加捐雙月縣丞著准其捐足分發留於
北河差遣委用地方候補通判婁豫候補從九品傅
致泰俱准其改撥河工差委該部知道

道光七年十月二十日

奏爲兼河地方同知要缺循例揀選仰懇

聖恩俯准陞署以資治理事竊查大名府同知陳建業
經題陞正定府知府在案所遺員缺臣與藩臬兩
司詳加遴選查有永平府山海關通判陳慶儀浙
江會稽縣二品廕生嘉慶二十四年引
見奉

旨以通判用欽此道光四年四月選授今職該員端方平
正老成醇厚平日留心河務以之陞署大名府同
知實堪勝任且本任並無叅罰案件以地方通判
陞署地方兼河同知均屬合例惟歷俸甫屆三年
與應陞之例稍有未符但人地實在相需例得專

摺

奏請合無仰懇

聖恩俯念員缺緊要准以山海關通判陳慶儀陞署大名府同知實於地方河務有裨謹

奏

道光七年十月二十五日奉

上諭那彥成奏揀員陞署要缺同知一摺著照所請直隸大名府同知准其以陳慶儀陞署照例送部引見俟試署期滿再請實授該部知道

容安謹按道光九年九月初七日

奏報永定河秋汛安瀾在正廳汛及協防員弁守護
三汛謹擇其尤爲出力數員恭懇

恩施以示鼓勵

道光九年九月二十四日奉

上諭那彥成奏永定河秋汛安瀾查明尤爲出力人員
懇請鼓勵一摺直隸永定河道張泰運著加恩賞戴
花翎南岸同知寶喬林著交部從優議敘北岸同知
蔣宗墉著以應陞之缺陞用北二工良鄉縣縣丞鄭
啟新霸州州判代理南上汛州同萬啟遜均著以沿
河知縣卽陞候補直隸州州判許瀚著於補缺後以

應陞之缺陞用地方試用縣丞錢寶珊著改撥河工
委用改撥河工候補未入流李敦壽著免補本班以
河工應陞之缺補用河工候補未入流徐進著以沿
河典史補用良鄉縣綠營守備平振著以應陞之缺
陞用北岸千總李煥文著以河營守備陞用以示鼓
勵該部知道

道光九年十一月初四日

奏爲道府因公降革籲懇

恩准降捐留直差遣以資熟手事竊照本年四月間

欽差尙書松筠奏參直隸遺失餉鞘審辦錯謬一案欽

奉

諭旨保定府知府白明義著卽革職署臬司清河道陶
樸著降四級調用候補知縣歐聲振著降一級調用
護理直隸總督屠之申著降三級調用均毋庸查級
議抵欽此欽遵在卷臣查此案因疑致誤各該員均
咎所應得而推原訪問查辦之意究屬急公並非
因循廢弛且與干犯私罪者不同前蒙

聖恩屠之申以候補道員發往直隸承辦本年差務仰
荷

俯念公過是以

特旨留直以資人地之需臣推廣

聖慈此外尙有同案獲咎之陶樑白明義歐聲振三員均係在直年久辦事得力之人陶樑由翰林院揀發直隸補授知府陞任道員屢署臬司篆務道光四年接辦通省水利近年已著成效六年督辦南漕海運蒙

恩賞加鹽運使職銜該員在直十四年辦事素稱奮勉今降選通判閒曹無事似不足以盡其力白明義由進士籤分直隸歷任繁缺知縣盡心民事前於遵化州任內拏獲偷砍

東陵大紅門內樹株首犯劉幅旺仰荷

特恩以知府用題補正定府奏調首府該員在直十九年辦事認真爲守牧中出色之員遽行廢棄亦覺可惜直隸幅幘遼濶政務殷繁加以河工漕運差務在在需員任使尤資熟手現在候補知府直隸州每班均止二員遇事不敷差委與其奏請揀發而在部候選之員半係初任卽請發曾任實缺之員亦未必熟悉直隸情形莫若仰懇

聖恩量予該員等以自新贖罪之路

臣 謬膺

重寄爲辦事得人起見不敢袒庇亦不敢引嫌是以於

差次將陶樑白明義等所得降革處分詳細面奏
仰蒙

聖恩俞允准其降捐令

臣分晰陳奏謹遵

旨繕摺籲懇

天恩俯准陶樑降等捐復知府白明義降等捐復同知
直隸州均仍留直隸差遣委用在該員等仰荷

逾格恩施棄瑕錄用自必力加感奮稍贖前愆而

臣亦

得收捐臂之助於地方公事不無裨益其候補知
縣歐聲振僅止隨同審案降職一級例准捐復之
員相應附奏請

旨准其捐復一級一併留直當差所有該員應交捐項

銀兩俟

命下之日飭命解繳藩庫遇便搭解進京是否有當伏

乞

皇上訓示謹

奏

道光九年十一月初七日奉

上諭那彥成奏道府因公降革懇恩降捐留省差遣一
摺著照所請陶樑准其降等捐復知府白明義准其
降等捐復同知直隸州知州均留於直隸差遣委用

候補知縣歐聲振著准其捐復一級一併留於直隸
當差該部知道

道光九年十一月初四日

奏爲沿河知縣要缺需員循例揀選奏懇

聖恩俯准陞補以資治理事竊照良鄉縣知縣沈銳陞

補薊州知州業經

臣會同順天府府尹具

題開缺在案所遺良鄉縣知縣一缺

臣與藩司顏伯

燾署臬司李振翥在於選缺知縣內逐加遴選查

有趙州直隸州州判潘相年五十三歲係安徽桐
城縣副榜就職直隸州州判嘉慶五年分發四川

委辦軍需總局事務六年奏補綿州直隸州州判
丁憂回籍接丁父憂服滿後選授今職大計保薦
奉

旨准其入於卓異班內陞用歷經委署高邑臨城無極
新樂等縣印務治理均能得宜該員才具幹練辦
事穩成在直多年熟諳河務係奉

旨陞用之員以之陞補良鄉縣知縣實堪勝沿河要缺
之任惟調缺請陞直省現有候補人員與例稍有
未符但人地實在相宜臣爲地方需人起見合無
仰懇

聖恩俯念員缺緊要准以潘相陞補順天府良鄉縣知縣不特於地方有裨臣等亦得收指臂之助理合會同兼管順天府府尹臣盧蔭溥順天府府尹臣何凌漢合詞恭摺具

奏謹

奏

道光九年十一月初七日奉

上諭那彥成奏請陞補沿河要缺知縣一摺著照所請直隸良鄉縣知縣准其以潘相陞補照例送部引見該部知道

道光九年十一月二十八日

奏查開州地界與豫東兩省犬牙相錯爲盜賊淵藪
季丙寅等住居離州七十餘里之北遊店內在外
省肆劫並未在本境犯案該州張良志素勤緝捕
前於道光七年拏獲竊盜四十名以上奏奉

諭旨從優議敘嗣准山東河南各緝盜犯季考季丙寅
二犯該州訪問該犯等潛回本籍卽會營帶領兵
役親赴北遊店密拏季丙寅業已逃匿當將季考
拏獲是季考乃隣境盜犯該牧之緝捕尙屬認真
不料季丙寅起意糾集猝不及防以致殺傷兵役

而季考究未奪去當經前護督臣屠之申奏奉

諭旨將張良志摘去頂戴勒緝旋於疎防及二叅限內
選差捕役或在本省捕獲或在外省協拏或訪聞
踪跡稟請奏咨飭緝先後拏獲夥犯二十七名現
又派撥丁役在河南地方緝獲夥犯季四因而究
出首犯季丙寅踪跡認明指交地方官拏獲解直
審明分別究辦此案首夥三十一人內動手拒殺
兵役人犯十名已全數拏獲分別問擬斬梟斬決
其隨同拒捕傷人以及助勢之二十一犯亦獲十
九犯問擬外遣軍徒祇有餘犯楊十一李六二名

未獲現尙遣人分投密緝可期不致漏網此等奪犯重案當下殺傷兵丁若稍涉懈弛不能將首夥重犯按名拏獲實屬不成事體今全案要犯悉正刑誅該牧盡心緝捕功過已足相抵已照例

奏准開復頂戴計先後拏獲竊盜逃兇一百三十二名內除聽從奪犯各犯究出外省疊劫重情仍歸奪犯本案擬結外尙有山東河南安徽等省扒城疊劫之劉春長張從貴牛七史添柱四名及奉文咨緝之季考一名共五名均係隣省罪應斬梟巨盜又河南疊劫之夏黑梁磨頭二名係隣省罪應

斬決巨盜又安徽夥劫擬斬盜犯宋方一名又山東魚臺縣命案逃兇李三一名其餘竊盜九十餘犯均分別擬以軍流徒杖開州俗悍民頑相率爲匪經此次搜捕之後竊盜幾無餘類閭閻爲之安堵此亦地方分內之事惟查定例拏獲隣境斬梟斬決盜犯三名以上准送部引

見拏獲隣境尋常命案人犯一名者紀錄一次該州張良志獲犯在一百三十名以上內有外省罪應斬梟斬決巨盜八名及隣省逃兇一名是該牧之緝捕勤能籲懇

恩施用昭激勸亦與例案相符且該牧不但勤於緝捕
現又據大名道李德立稟稱該州歲徵地糧銀八
萬一千餘兩民情素稱刁疲催科不易張良志自
道光七年正月到任以來迄今三載歷年按數徵
解連接徵積欠共完解銀二十九萬餘兩查江蘇
崇明縣知縣徐家槐前在金匱任內經徵地糧數
在五萬兩以上四載全完連接徵欠五年之內
完解銀二十七萬兩經兩江督臣奏蒙

賞加直隸州知州銜不論俸滿卽陞核與張良志事同
一律稟請查辦前來臣查緝捕催科均地方官當

盡之責而因循玩事與振作有爲亦應別其懲勸
張良志實心任事均有案據可憑並非徒託空言
理合據實具奏應否給咨該收送部引

見抑以同知直隸州儘先陞用以示鼓勵之處伏候

聖訓祇遵再臣密派之原任都司李士剛向來長於緝

捕此次協同拿獲李丙寅究由於李士剛帶同開

州兵役緝獲李丙寅始能究出李丙寅踪跡第係奉

旨休致之員臣不敢冒昧保奏亦不便沒其微勞應如

何

恩施量予獎勵出自

聖裁謹

奏

道光九年十一月三十日奉

上諭那彥成奏請將緝捕勤能催科認真之州牧並密
派協拏要犯之武弁量予鼓勵等語開州知州張良
志前因奪犯傷差要犯季丙寅業經就獲降旨准其
開復頂戴茲據該督查明該知州先後拏獲竊盜逃
兇一百三十二名除聽從奪犯傷差各犯究出隣省
疊劫重情仍歸奪犯本案擬結外尙有隣省罪應斬
梟巨盜五名斬決巨盜二名擬斬盜犯一名命案逃

兇一名軍流以下竊盜各犯九十餘名且將歲徵地糧接徵積欠三載全完緝捕催科尙屬認真張良志著送部引見至協同緝拏要犯之原任都司李士剛係業經休致之員現已年老著該督酌量獎賞

道光九年十一月二十八日

奏爲降調知縣操守素優循聲卓著仰懇

聖恩俯准送部引

見恭候

欽定事竊查保定府屬望都縣爲九省通衢地瘠差繁治理不易前任知縣卽井南由貴州舉人於道光

七年部選到任該員整飭地方慎重倉庫前辦兵差亦均妥協洵屬有爲有守之員惟因兵差蠲免案內奉文將花戶長完六七兩年地糧抵作八九兩年正賦該員誤以爲耗隨正納將六七兩年已完耗銀一併劃抵八九兩年應徵之項嗣因藩司行文示諭六七兩年專蠲正銀例不蠲耗該員復將六年耗銀誤會徵解又失察書吏錯造徵冊多徵銀八錢餘分被已革廩生王金簋繕遞封章奉旨交前護督臣屠之申審明奏奉部議將該員照不應重杖八十私罪律降三級調用臣與藩臬兩司確

覈原案該員係屬公過別無私意而望都縣又係大兵經由之區隨援前奉

恩詔各部改議現奉部駁以此案業經議處具題奉旨遵行應不准其改議請援

恩詔之處亦毋庸議等因伏查地方首重得人舉劾宜歸核實今望都縣前任知縣鄔井南降調之案係由誤會正耗爲解司符額起見事屬因公並非舞弊卽社書錯造徵冊一節咎止失察照不應重杖八十公罪律議處僅應降二級留任茲經部議照私罪律議以降三級調用殊覺情輕罰重且該員

在任兩年平日操守廉潔以衝途苦累之缺而能
慎重出納倉庫無虧州縣中實屬不可多得又係
前辦兵差欽奉

恩詔寬免叅罰之員若因此降調未免可惜臣與藩臬

兩司秉公商酌各屬有過自應從嚴叅辦而清慎
耐苦之員亦不可沒其微勞方足以示儆勸而勵
官方所有望都縣知縣鄔井南可否仰懇

聖恩俯准送部引

見以原官留直差委其降調之案仍照公罪律改爲補
官日降級留任之處恭候

欽定據藩司顏伯璽署臬司李振翥會詳請奏前來謹
奏

道光九年十二月初一日奉

上諭那彥成奏請將降調知縣送部引見一摺前任直
隸望都縣知縣鄔井南著准其送部引見該部知道

道光九年十二月初五日

奏爲河工同知要缺需員循例揀選仰懇

聖恩俯准分別調署以重河防事竊照永定河石景山
同知李國屏於道光九年十一月初四日因病出

缺經臣
恭疏

題報在案所遺員缺專管永定河上遊石景山一帶地近

京畿工程緊要係專難管河要缺例應在外揀選伏查永定河工工段三四百里而伏秋兩汛搶險護堤用料必需實貯動工亦須耐勞現在永定河道張泰運勤慎保守實心出力是以六載竟得安瀾屢次欽奉

聖諭以國家數大政亟須人才必得先事預籌接續有人於事自然有濟而河工尤屬恒政爲日既久機宜最要應與藩臬兩司及該管河道公同遴選查

有北運河務關同知周衡年五十九歲四川舉人
由大挑知縣分發直隸借補定州州同調補臨榆
縣知縣陞署東路同知緣事降調捐復原官留直
題補撫寧縣知縣嘉慶十八年調赴軍營署理開
州辦理軍務出力奉

旨賞戴藍翎二十年丁憂回籍服闋赴直題補文安縣
調補天津縣道光三年陞署今職五年題請實授
六年委辦海運出力保奏奉

旨以知府陞用先換頂戴該員果勇幹練遇事實心能
耐勞苦以之調署石景山同知將來可爲永定河

接續之人其所遺北運河務關同知員缺係專繁
管河要缺亦應在外揀選查直省河工同知上次
用至投効試用人員止今務關同知一缺按班應
用先儘現在先儘無人應用次儘人員臣復督同
司道詳加遴選查有河工次儘同知邵楠年四十
五歲浙江監生由河工主簿洊陞任邳縣知縣道
光元年陞署永定河南岸同知赴部引

見奉

旨邵楠准其陞署南岸同知欽此二年丁憂回籍起復
派赴永定河道差委該員穩成老幹河工熟悉以

之署理務關同知實屬人地相宜與例亦復相符
惟周衡以專繁河缺請調專難河缺係臣爲永定
河接續有人起見例得專摺奏請臣與司道公同
商酌並據司道會詳前來合無仰懇

聖恩俯准以周衡調署石景山同知所遺員缺卽以邵
楠署理二員均係合例之人如蒙

俞允仍俟該員等經歷三汛如果稱職另行保題實授
再周衡應完前在天津等縣任內罰俸銀兩現在
遵照新例飭令照數完解咨部銷案謹

奏

道光九年十二月初八日奉

上諭那彥成奏遴員調署河工要缺同知一摺著照所請直隸石景山同知准其以周衡調署所遺北運河務關同知員缺卽以邵楠署理仍俟該員等經歷三汛如果稱職另請實授該部知道

道光十年四月初九日

奏爲兼河同知要缺需員循例揀選陞補以資治理事竊照大名府同知陳慶儀告病遺缺經臣以河間府泊河通判馮德响

題請陞補尙未准到部覆馮德响已聞訃丁憂自應

另行揀選陞調查大名府同知一缺管轄所屬河道堤岸督率疏濬修防並督緝元城大名南樂清豐等四縣捕務係兼河要缺例應在外揀選陞調經臣與藩臬兩司復於通省現任丞簿內逐加遴選非本任緊要卽人地未宜一時實無堪調之員惟查有大興縣京縣知縣霍登龍年五十二歲河南內黃縣人由拔貢生遵豫東例捐納知縣選授陝西延長縣知縣引

見奉

旨調補直隸南和縣知縣因距原籍在五百里以內迴

避改調深澤縣知縣道光四年陞補今職五月二十一日到任八月十一日赴部引

見奉

旨霍登龍准其陞補大興縣京縣知縣欽此該員辦事穩成居官謹飭厯署涿州並定州直隸州知州印務均能辦理妥協厯俸已滿三年以之陞補大名府兼河同知要缺實堪勝任與例亦屬相符該員原籍河南雖距大名府同知任所在五百里以內第該同知僅司河務督捕事宜與地方州縣有刑名錢穀之責者不同似可據實

奏明免其迴避據藩司顏伯璽臬司花杰會詳請

奏前來合無仰懇

聖恩俯准以大興縣京縣知縣霍登龍陞補大名府同知實於河工捕務有裨理合會同兼管順天府府

尹臣盧蔭溥府尹臣何凌漢合詞具奏謹

奏

道光十年四月十二日奉

上諭那彥成奏揀員陞補要缺同知一摺著照所請直隸大名府同知員缺准其以霍登龍陞補照例送部引見該部知道

道光十年四月二十六日

奏爲兼河鹽捕通判治理需員循例揀選請署以資
整飭而重地方事竊照保定府兼河鹽捕通判陳
欽爵因病出缺經臣恭疏具

題留缺外補在案查保定府通判原定雖係衝繁二
項中缺第經管河工捕務在在均關係要前任通
判陳欽爵不善經理漸形廢弛正擬奏請疏劾旋
卽因病出缺此番接任之員必須擇其勤能幹練
者責令認真整飭方足以裨地方而重職守臣與
藩臬兩司遂加遴選查有試用通判何煥緒湖北

江夏縣人由監生遵孫東何捐納從九品復遵酌
增常例加捐通判籤掣直隸試用試用期滿甄別
留直補用該員辦事詳慎居心淳正以之署理保
定府兼河鹽捕通判實堪勝任惟該員試用通判
應專補陞調所遺之缺今請署病故遺缺與例稍
有未符但人地實在相需查從前大名府通判休
致遺缺以試用通判陸恩肅請署廣平府通判降
調出缺以試用通判錢日烜請署均非陞任所遺
曾經前任督臣先後奏准署理有案此缺事同一
體自應循照例案專摺

奏請以期治理得人據藩司顏伯燾臬司花杰會詳
請

奏前來合無仰懇

天恩俯准以何煥緒署理保定府通判仍照例試看期
滿如果稱職另行

題請實授謹

奏

道光十年四月二十九日奉

上諭那彥成奏揀員請署兼河鹽捕通判一摺著照所
請直隸保定府通判員缺准其以何煥緒署理候試

署期滿是否稱職另請實授該部知道

道光十年閏四月初七日

奏爲沿河知縣要缺需員循例揀選恭摺奏懇

聖恩俯准調補以資治理事竊查大名縣知縣蔣超曾
因患腿疾呈請解任調理業經委驗

題請開缺并將所遺員缺飭委滿城縣知縣李濂調
署附片奏明在案茲查大名縣一缺界連豫省幅
輳遼濶政務紛繁兼管漳衛二河係繁難二項沿
河要缺例應在外調補臣與藩臬兩司在於現任
選缺知縣內逐加遴選惟滿城縣知縣李濂年三

十九歲四川進士由卽用知縣分發直隸道光六年題補武邑縣疲難二項中缺知縣因係初任人員恐治理未能裕如奏調今職於七年十一月到任該員年力強壯勤明穩實數年以來較前已臻練達平日亦能留心河務以之調補大名縣知縣實堪勝沿河要缺之任前後歷俸已滿三年與例亦屬相符雖前由中簡缺調補一字簡缺並非才力不及年力就衰今該員旣已歷練堪膺繁劇自未便拘泥前

奏埋沒人才且定例先調簡而後保薦准於疏內聲

明具奏據藩司顏伯璽臬司花杰會詳請

奏前來合無仰懇

聖恩俯念員缺緊要准以李濂調補大名縣知縣俾資
治理再滿城縣係大兵經由之區該員任內叅罰
已遵奉

恩詔寬免謹

奏

道光十年閏四月初十日奉

上諭那彥成奏遴員調補沿河要缺知縣一摺著照所
請直隸大名縣知縣員缺准其以李濂調補該部知

道

道光十年六月十一日

奏爲沿河知縣要缺需員循例揀選奏懇

聖恩俯准陞補以資治理事竊照河間縣知縣馮季曾

在任聞訃丁母憂先經山西撫臣將該員丁憂日

期

題報在案所遺河間縣一缺係衝繁難三項沿河要

缺例應在外揀員調補查定例州縣應調缺出照

例於現任人員內遴選調補如現任人員內實無

合例堪調之員准以候補正途人員題補如候補

無人方准於應陞人員內保題陞用仍於疏內將人地實在相需必須題陞之處切實聲明等語臣

與藩臬兩司在於現任選缺知縣內逐加遴選非現居要缺卽未嫻河務至候補及卽用知縣各員均以河務未經閱歷人地不甚相宜一時實乏合例堪以調補之員惟查有吳橋縣管河縣丞史渭綸江蘇監生遵例報捐州吏目投効南河分發北河借補霸州淀河巡檢陞署東安縣主簿武清縣縣丞調署今職道光五年准咨實授六年俸滿保薦奉

旨准其保薦註冊陞用該員辦事老成差委勤奮在直多年熟諳吏治河務且係奉

旨陞用之員以之陞補河間縣知縣實堪勝沿河要缺之任惟調缺請陞與例稍有未符但人地實在相需據藩司顏伯燾臬司花杰會詳請

奏前來合無仰懇

聖恩俯念員缺緊要准以史涓綸陞補河間縣知縣實於地方河務均有裨益謹

奏

道光十年六月十四日奉

上諭那彥成奏揀員陞補沿河要缺知縣一摺著照所
請直隸河間縣知縣准其以史渭綸陞補照例送部
引見該部知道

容安謹按道光十年九月初三日

奏報永定河秋汛安瀾在工廳汛及協防委員守護
三汛著有微勞擇其尤爲出力各員循例酌保
恭懇

恩施以示鼓勵

道光十年九月初六日奉

上諭那彥成奏永定河秋汛安瀾查明尤爲出力人員

懇請鼓勵一摺直隸永定河北三工涿州州判蔣景
暘北五工永清縣縣丞熊開楚易州州判金大中正
定府經歷吳汝芝房山縣縣丞李宣範俱著以應陞
之缺儘先陞用試用通判劉奮南試用未入流彭祖
望俱著各按本班儘先補用南三工涿州州判王仲
蘭北上汎武清縣縣丞徐敦義俱著交部從優議敘
該部知道

道光十年十月二十三日

奏爲勒休知州遺缺揀員請補恭摺奏

聞事竊照霸州知州盧建基勒休開缺霸州知州一缺

本係衝繁二項中缺查有候補知州蔚音芳山西
增生遵例遞捐知縣投効軍營保

奏奉

旨留直補用題署元城縣知縣丁憂回籍服闋赴直題
署平山縣知縣調補遷安縣知縣陞補通州知州
因前在遷安縣任內倡率紳民辦理義賑甫經事
竣旋陞通州復又勸設粥廠安撫窮黎俾兩處災
區悉臻妥善奏奉

諭旨以應陞之缺陞用在任告病就近醫痊赴部引
見奉

旨蔚音芳著發往原省以知州用該員辦公勤慎才具
穩成以之請補霸州知州可期治理與例亦屬相
符據藩臬兩司會詳前來臣因地方緊要起見與
兼尹臣盧蔭溥等往返札商意見相同是以改
題爲奏合無仰懇

聖恩俯准以蔚音芳補授霸州知州實於地方有裨謹
會同兼管順天府尹臣盧蔭溥兼署府尹臣何凌
漢合詞具奏謹

奏

道光十年十月二十六日奉

上諭那彥成奏揀員請補知州一摺著照所請直隸霸
州知州准其以蔚音芳補授該部知道

因時改隸

道光十年三月十五日

奏爲州縣缺分繁簡今昔情形不同請

旨更改並將新改繁缺知縣遴員對調以資治理事竊
照直隸爲首善之地所轄一百四十餘州縣幅員
遼濶撫綏整飭務在牧令得人繁簡名稱厥職庶
可奏效

臣仰蒙

恩命久任畿封於通省州縣全局時時籌計訪之現在
叅諸往昔其有繁簡適宜尙可循舊者原不必率
請更張至若今昔情形實有不同治理繁簡互異

者亦未敢稍事遷就致有貽悞茲查順德府所屬之鉅鹿縣本係簡缺近來民情刁悍詞訟繁多兼之地近山東習教匪徒最多時加懲辦雖已漸就安戢而風俗究屬不淳缺分既苦治理更難實非部選初任之員所能勝任臣與藩臬兩司公同商酌鉅鹿縣一缺應請改爲繁疲難三項要缺由外揀員題調現任知縣鄒照居官循謹惟才具未能開展於鉅鹿繁要之缺不甚相宜查有廣平縣知縣王燕堂山西進士由翰林院庶吉士散館以知縣用選授今職上年奏委署理通州知州均能辦

理妥協該員辦公勤奮才猷諳練以之調補鉅鹿縣新改繁缺知縣實可勝任所遺廣平縣知縣係屬無字簡缺卽以鄒照調補亦堪稱職至鉅鹿縣旣由簡改繁應遵例於通省繁缺州縣內酌改一缺爲簡以符銓政查有宣化府屬之延慶州係衝難中缺向歸部選於乾隆二十三年將延慶衛裁併該州改爲衝繁難三項要缺在外揀調現在該州地方事簡民淳驛站差務亦不甚繁部選之員足資治理應請將延慶州調缺仍改爲衝難二項中缺嗣後缺出歸部銓選現任知州吳增嘉係在

外陞補之員於此缺經理裕如應仍留任俟另有相當缺出再請分別陞調據蒲泉兩司會詳請

奏前來合無仰懇

天恩俯准將鉅鹿縣改爲繁缺延慶州改爲簡缺並以廣平縣知縣王燕堂調補鉅鹿縣知縣所遺廣平縣員缺卽以現任鉅鹿縣鄒照對調伏乞

皇上勅部核覆施行謹

奏奉

硃批吏部議奏

容安謹按此奏經吏部議准得

旨依議

那文毅公二任直隸總督奏議

卷七十一

請改四路同知歷俸

道光六年十二月十八日會同兼管順天府府尹
事務陸公以莊府尹何公凌漢

奏爲繁缺同知歷俸年限過久恭懇

聖恩俯准援例量爲區別以重地方事竊查順天府屬
四路同知分管二十四州縣地方審勘刑名核轉
錢穀報銷其專轄考成與知府無異駐劄黃村通
州沙河盧溝橋等處均附近京城三四十里各管
捕盜弁兵一百餘員名其緝捕處分與五城兵馬
司相同於近京地方巡防緝捕最爲緊要遇有缺

出定例在於通省州縣內擇其才能出衆之員

奏請陞補事務殷繁較之府屬同知繁簡懸殊而定
例歷俸年限則與府屬同知均係十年報滿以道
屬附京繁缺之廳官與府佐開曹一體較俸未免
無所區別臣等竊思大興宛平兩縣知縣及縣丞
典史等官歷俸三年俱准送部引

見誠以該員等分管京城地面責任既重三年無過卽
微末之員均得邀

恩照例送部引

見而四路同知轄屬既與知府無異緝捕又與兵馬司

相同且定例五城地方失事該同知亦有協緝處分是其叅處既多年之內既不合例惟有叅處去官陞調無路是賢能州縣轉致淹滯况駐劄近京地面卽與京城地面各官明示區別不但不得與邀獎勵更須與府屬同知較俸十年由部調取引

見爲期過久陞調無期疲玩卽所不免各州縣視爲畏途遂難望其振作似應量爲變通以示鼓勵臣那彥成七月間進京與臣陸以莊臣何凌漢當面商酌意見相同合無仰懇

聖恩俯念該同知等近京供職任重事繁可否准其援
照大宛兩縣正祿等官之例歷俸三年如果始終
勤奮由該管道員移會藩臬兩司以次出具切實
考語詳請會核送部帶領引

見仰候

聖明鑒衡錄用俾該同知等共知鼓舞辦公益加奮勉
似與近京地方刑錢緝捕不無裨益臣等爲調劑
繁缺人員起見不揣冒昧謹合詞恭摺具奏謹

奏奉

硃批吏部議奏

容安謹按此奏經吏部覈議奉

旨嗣後四路同知歷俸三年期滿如果緝盜安民著有
成效者准該府尹等會同直隸總督出具切實考語
送部引見俟奉有諭旨准以應陞之缺陞用仍令回
任候陞由吏部將該員歸入卓異班內與卓異人員
統較奉旨日期先後接班陞用仍著該府尹等認真
查察必須實有循績方准保送毋許稍濫

酌定邊俸州縣補用章程

道光七年正月初四日

奏爲口外俸滿州縣各官撤回內地補用酌定章程
以期得人而收實效事竊查承德府所屬一州五
縣經前督臣蔣攸銛議奏照陝甘邊缺之例作爲
三年俸滿撤回內地時詳加察看如果實能整頓
地方辦有成效並無命盜案件展叅有闕降留降
調處分者出具考語保

題請

旨方准以原銜分別以直隸州同知知州題請陞調其

循分供職者如原由理事同知通判調補之員專以內地理事同知通判補用仍咨部照例論俸以員外郎推陞並承緝本任命盜案件於期滿撤回內地時俱帶至新任按限開叅等因嗣因灤平縣知縣海福豐宣縣知縣阿清邇俸三年期滿照例撤回內地因該二員辦理地方事務均能振作前

經臣

奏請將海福以地方同知補用阿清以知州陞用旋奉部駁該二員任內有關降留處分核與奏定章程未符行令撤回內地各以原官補用照例論俸

以員外郎推陞等因臣查承德府及所屬一州五縣地方遼濶案牘繁多承緝命盜案件倍於內地從前十餘年間該州縣久於其任半係降調離任總因口外處分過多呈礙推陞是以前督臣蔣攸銛議照陝甘邊缺之例厯俸三年准其換回內地候陞奏奉部議以年滿應換之員除尋常未結案件及倉庫錢糧仍照定例辦理外至正兇未獲者多至若干案應如何仍留該員協緝其案情較大未結者積至若干件應如何責令該員一手經理暫令停其更替逐條明定勸懲妥議章程具奏前

督臣蔣攸銛復議以任滿換回之員並無未獲要犯或有承緝之案而統限無關降留降調處分方准以原銜保題陞用在案查內地州縣陞調核計叅罰以五十案內外定陞調之准駁今既稱口外州縣承緝命盜案件倍於內地而換回之時若必一無降調之案而後得邀陞用殊與欽奉

諭旨准其三年換回成就人材俾免向隅之意轉覺相違况部議正兇未獲者多至若干案應如何仍留協緝案情較大未結者積至若干案應如何責令一手經理是部議令分案數原係以定限制實已

洞悉情形乃前次籠統覆奏以致該州縣徒膺劇繁之任勉力急公及至限滿換回而陞調之途轉隘非以示勸適以示罰實因從前覆奏章程未能明晰隨致事多格礙究之海福於嘉慶二十五年八月到任任內祇有雷富被人毆死二叅承緝不力罰俸一年限一年緝拏一案阿清於道光元年六月到任任內祇有張金被劉萬然扎死四叅承緝不力降一級留任又青正起受傷身死四叅承緝不力降一級留任二案又謝紹先墳墓被竊二叅罰俸一年限一年緝拏一案該二員厯俸雖止

三年而在任已各有五六年之久不特比較口外
州縣承緝處分爲最少卽較之內地州縣陞調核
計叅罰亦僅十分之一該二員若因此不能題保
則調口之理事撫民同知及旗員州縣無一員可
以上進况該員等由現任理事同知通判調補歷
經三年撤回後未必卽有本缺可補是實缺之人
轉成候補之員亦不足以昭激勸相應請

旨將海福一員仍照前議請以地方同知補用阿清一
員請以知州陞用並請嗣後承德府及一州五縣
在任三年期滿遵照部議統計承緝命盜案件有

關降留不及十案者仍照原議會同熱河都統臣查明實能整頓地方之員撤回內地陞用其承緝命盜案件有關降留在十案以上停其陞用仍以原官補用如此酌改章程則與奏請調劑之初意不致懸殊而可得人材之效茲據藩臬兩司會詳請奏前來謹會同熱河都統臣昇寅合詞恭摺具奏謹

奏

道光七年正月初四日奉

上諭那彥成奏口外俸滿撤回內地州縣酌定陞補章

程一摺直隸承德府屬灤平縣知縣海福豐寧縣知縣阿清邊俸三年期滿前經該督以該二員辦理地方事務均能振作遵照前定章程撤回內地請將海福以地方同知補用阿清以知州陞用經部議以該二員任內有關降留處分與原定章程未符行令撤回內地各以原官補用茲據該督奏稱內地州縣陞補覆計叅罰五十案內外定陞調之准駁今查海福任內祇有承緝命案二叅處分一案阿清任內祇有命案四叅處分二案竊案二叅處分一案不特比較口外州縣承緝處分爲最少卽較內地州縣陞調嚴

計叅罰亦僅十分之一若因此不能保題不足以昭
激勸等語口外州縣所轄地方遼濶案牘繁多若必
一無違礙處分而後得邀陞用較之內地州縣未免
偏枯著照所請邊俸期滿之灤平縣知縣海福准以
地方同知補用豐寧縣知縣阿清准以知州補用嗣
後承德府及所屬州縣邊俸三年期滿統計任內承
緝命盜有關降留處分不及十案者會同該都統查
明該員實能才具優長堪勝內地承收之任方准保
題陞用不得以定例稍寬致有冒濫其承緝命盜有
關降留在十案以上者不准保陞仍以原官分別補

用該部知道

道光七年閏五月二十六日

奏爲承德府屬州縣前次議奏仿照邊俸三年期滿
撤回內地分別陞用章程未能悉臻妥協不敢因
循迴護亟應更正恭摺具奏事竊照直隸承德府
屬平泉等六州縣地方原止設立理事同知通判
分駐管轄迨後內地民人出口種地流寓漸多生
聚日繁乾隆四十三年欽奉

上諭將熱河同知改爲承德府並將八溝等六處同知通
判改爲平泉灤平豐宣建昌赤峯朝陽等六州縣

卽以理事同知通判管州縣事在於口內理事同知通判內酌量調補准其論俸推陞員外嗣因推陞爲期過久該處案件紛繁往往未屆推陞先已緣事降革人皆視爲畏途公事每多貽悞道光四年前督臣蔣攸銑會同熱河都統以承德府地居口外與陝甘邊外要缺情形相同議將承德府所屬一州五縣

奏准援照陝甘烏魯木齊邊缺之例歷俸三年揀員換回如果整頓地方著有成效以撫民同知直隸州酌量請陞其循分供職者仍以簡缺理事同知

通判補用毋庸給與應陞其該管之熱河道承德府任重事繁與口內道府不同應一并援照陝甘邊缺之例三年撤回揀選內地旗員道府互相對調如內地無人可調卽請

旨簡放調回之員送部引

見另候

簡用又本年正月內經臣會同熱河都統議奏嗣後口外俸滿州縣查明任內承緝案件有關降留不及十案者准其陞用欽奉

特旨允行在案是口外地方緊要牧令等處分較多前

督臣蔣攸銛議照邊俸三年之例換回內地辦理似有權衡而於口外向用旗員之處尙未變通卽臣前奏亦未議及立法殊欠周妥若不亟請更正於地方仍無裨益至該員等在口外三年整頓地方本係牧令之責因此卽予保舉未免過優而循分供職之員撤回之後實缺轉成候補潛形擁擠又覺向隅自應酌量更定以示區別查口外幅員遼濶民戶日增尋常詞訟與命盜案件較多於內地州縣而習俗之頑悍書役之把持尤甚苟非熟悉吏治明幹有爲之員斷難勝此繁劇之任理事

同知通判皆由部院筆帖式揀發初任有司卽畀以繁難最要之區無所措手勢不能不聽信書役一入轂中卽受挾制縱有一二明幹之員亦難期其振作廢弛愈久事故愈多殊於地方大有關係臣與藩臬兩司再四熟籌胥應仿照陝甘調口之例於口內實缺丞倅州縣中擇其才識老成素有歷練之員與口外年滿州縣五相對調庶收令得人地方可冀起色無如口內丞倅州縣旗員較少不敷揀調伏思口外州縣所以定爲滿缺者因地係蒙古是以專用旗員其實八旗人員大半不習

蒙古言語亦與漢員無異况口外佐雜均用漢員
於辦公並無格礙臣查陝甘邊缺有專用旗員者
亦有無分旗漢者應請仿照酌定除熱河道承德
府二缺作為滿缺如內地有人可調奏請調補如
內地無人即請

旨簡放外其平泉州六州縣歷任三年准作邊俸期滿
在口內實缺丞倅州縣中不拘滿漢揀選對調毋
論本員俸次缺分繁簡亦不計處分但得人地相
宜即准調補該州縣地處口外應請同知知州仍
用本職頂戴毋庸加銜通判知縣仍照舊例理事

通判予以五品頂戴以示觀瞻并責成熱河都統
隨時考覈如不勝任立即撤回另行揀調其俸滿
之員俟新任到後協辦半年方准撤回口內先行
暫補借補對調之缺仍計其邊俸照原銜遵例陞
用口外既請兼用漢員則直隸一百數十餘廳州
縣選擇不慮乏人撤回口內既先補對調之缺又
照依邊俸陞轉亦足以示鼓勵毋庸予以保舉惟
是牧令既已得人固可冀其振作而向日掣肘難
行之處亦應量爲體恤俾不至顧此失彼方得專
心民事查熱河道屬蒙古事件由理藩院稅員詳

候都統核辦蒙民交涉事件由熱河道詳候都統核辦卽秋審人犯亦由都統審勘而民人詞訟軍流以下則由該道審轉命盜案件又解省由臬司審轉歸總督核辦層次太多事權不一易滋推諉遷就之弊且熱河距省較遠州縣每解一犯約須費銀百餘兩案旣不少賠累卽多州縣每以惜費托故遷延數年不結相習成風遂致無事不因循疲玩縱使極力挽回悉遵定限而文報往返長途解遞亦非數月不能完結一案因思蒙民交涉事件及秋審人犯旣歸都統核辦則民人一切案件

亦請仿照烏魯木齊鎮迪道之例均由熱河道審轉詳報都統分別題奏核咨俾沿途無解犯踈脫之虞省中無鞭長莫及之慮實於刑命案件可期迅速完結至應由藩司彙辦之事養廉俸工而外領項無多該州縣經徵糧租稅課爲數更屬無幾道路遙遠文移不能迅速州縣冊報稽延動輒耽悞通省總案似亦應仿照烏魯木齊鎮迪道之例統由熱河道督催詳報都統題咨如此立定章程則該州縣刑錢事件不須遠涉省城稽延多費辦理不至掣肘七屬公事均歸熱河道轉候都統題

奏核咨考察亦可就近牧令既已選擇得人事權
又歸畫一吏治自可日增起色臣與蔣攸銛兩次
所奏未能周妥若復迴護前奏不卽更正於慎選
人才整飭地方不能有益卽同貽悞卽屬負

恩爲此據實陳明恭候

聖裁如蒙

俞允所有一切條款容再另議分別請

旨飭部核覆謹

奏奉

硃批吏部議奏

容安謹按此奏經吏部議准得

旨依議

那文毅公二任直隸總督奏議卷七十一